

「國家社會科學基金重大項目」

何建明

主編

中國地方志
佛道教文獻匯纂

人物卷

(110)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（110）



國家圖書館出版社

中國地方志佛道教文獻匯纂·人物卷
廣西壯族自治區 桂林市

平樂縣志

清·全文炳修 伍嘉猷等纂
清光緒十年（一八八四）刻本

人物志

夫空谷之中必有芳草十室之邑必有忠信平樂雖地處荒徼而瑋行英抱之士代不乏人舊志所載鄉賢僅自宋始宋以前無聞焉豈年代迭更荒遠無所考與抑士君子閉戶潛修不求聞達遂沉埋於荒榛蔓草之中爲前人採訪所不及也咸豐洪逆之亂平樂屢陷於賊烈夫義士抗節不屈陷胸絕脰蹈白刃而義不反顧者往往而有此節義一門尤不可畧也若夫壯士捐軀於陷陣孝子刲臂以療親未亡之婦貞心白首不污之女就刃沉江或以末藝擅長或以高蹈見志蓋質性之美

雲集縣志 卷八

實川嶽之靈焉以至羽士高僧遐游方外騷人遷客流寓此間亦志人物者所不廢也故附載之以並垂不朽云人物志八

神仙

隋

莫王名不傳本姓杜立山羣峯寨人生開皇中一歲父卒從母適荔浦石門村莫氏從其姓自幼蔬食遇異人受翀舉之術唐貞觀八年正月十六日尸解去里人嘗見王素衣白馬披髮伏劍行村落中因肖像祀焉後唐時邑有周生者謁選京師奉所繪王像隨行兵亂唐主在軍中見一人素衣白馬披髮伏劍於前遂克捷唐主異之博訪其蹟適獲生以所繪像進披閱恰如所見因封王爵令有司廟祀至今不廢

陳志

神仙

宋

譚氏二女端平間人家於樂山里鮓塘村之誕山繼母
不慈備極苦楚一旦脫胎於聖山絕頂飄然羽化呼吸
風雨應如影響聞者異之舅氏陶克忠躬耕望雨適二
女至女曰飯我卽雨舅氏猶豫女復曰飯我卽雨舅氏
飯之二女飛騰聖山俄頃大雨如注舅氏往從上呼則
下應下呼則上應變幻無端莫知所之時有孀婦往祭
因登高有難色女卽飛茅於誕山之原人異之卽立祠
以祀每歲早有禱輒應故世傳爲誕山仙云

陳志

監殿仙師陶克忠五代陶太尉之後學黃老術其妹適

譚氏生二女白日飛昇忠方躬耕望雨二女忽至曰飯
我卽雨飯畢雨果至忠亦仙去洪武間立廟祀之至今
享祀日隆

陳志

明

龍道人因修道世以道人稱之而忘其名元末世亂于
走馬坪結廬獨居環植以竹飄然有塵外之致洪武二
年通判夏天啟訪之贈詩云竹木森森畫不如懸崖峭
壁一茅廬人生若識元機妙須向南關覓太虛後六年
積薪自化

姚二仔崇禎間有姚姓者幼呼爲姚二仔遺其名自生

時卽不食暈年十四五歲離父母登火焰山中峯之頂立片蓬爲起居每年止種菜芋充腹山頂有池廣袤六丈深丈餘池內有金絲大鯉二尾池南有桃一株每結實取啖之司理唐邦教蒞任時歲旱屢禱無雨聞其有道行差使懇請允之隨至印山亭跌坐不食烟火止啖菓品遣人立表河邊限以尺水坐至次日卽雨三日河水果盈尺司理謝以金不受反山後數日司理高其風有天際真人之想復遣使訪之至則了無所見惟餘片蓬而已

陳志

爽菴真者得一切觀智遠遊匿蹟或有問其里姓但曰

廣西人不知何州縣問所師投不答嘗挂錫於邑之北
山寺去就無常莫知所終

中國地方志佛道教文獻匯纂·人物卷
廣西壯族自治區 桂林市

永福縣志

清·林光棣修 蘇信德纂

清道光八年（一八二八）修 抄本

永福縣志卷三

仙釋

宋行瑛邑人毛氏子受戒於桂卅菩提寺遊至吉卅
隆慶院謁慶閑多所開悟次叅照覺和尚出世於盧
山開先寺材器廣大任人役物如轉石於千仞之溪
無不如意自照覺遺風在開先幾二十年初苦痰癰
臥病三年一日起將梵剎鼎新之九年乃成黃魯直
嘗戲謂瑛為如來藏中之說客菩提場中之游俠云
明融虛禪師湖廣辰卅人遊方至永明心見性大悟
宗風建東郊湘山寺在數十年及生化縣尹賀嘉懋

及閩邑士民往觀舉火融崖暝日誦金剛經其徒請
留衣鉢永鎮禪宗遂擲下魚子火從頂起燄息而逝
年七十有餘歲

大緣和尚邑廩生劉湧波剃僧也謹守佛戒不越清
規湧建鳳巢庵以居之年老歸空事先派定涅槃而
化後湧子廷璽從軍雲南得重病夜夢大緣送雪梨
丸啖之遍身涼透而愈因重修鳳巢庵延雲間和尚
以奉祀雲間亦悟禪宗年八十而坐化

國朝碧空寶闡二和尚幼出家修身悟道至老面黃
顏絕不募化人間結茅庵以叅禪治蔬菜以供食圓

寂之日皆先知之蓋慧定而通靈者

楚和尚本邑桐古人邑人范炳元為之剃髮出家炳
元將歿以囊金付之後楚撫其子范時英婚娶入泮
皆為資給時英早逝又周金其孫范之錦年踰八十
臨終作偈曰靜守清規八十終靈臺潔淨永無踪自
此禪心無罣碍西方一片白雲封念畢瞑目而逝

中國地方志佛道教文獻匯纂·人物卷
廣西壯族自治區 柳州市

柳州府志

清·王錦修 吳光昇纂

清乾隆二十九年（一七六四）刻本

柳州府志卷之二十九

柳州府志卷之二十九

隱逸 附仙釋

仙釋

甘陸象州古車村人。有志畧。時柳州爲南漢所據。詔陸出征。每以術得捷。拜護國將軍。及歸。里決禍福。處先知。如神州人立廟祀之。

甘佃陸之姪也。家富好施。貧而告者未嘗少吝。性靈異。決禍福無不奇。中一日聚鄰里。告曰。吾厭世矣。示衆以修身事。言訖瞑目而逝。鄉人設廟像祀之。後封惠濟感應侯。元加封孚應惠濟聖公。明加

封王號

于道士象州人宋乾德間隱西山巖修道白口飛昇

獨傲仙女象州馮六村人宋乾德間傲氏與嫂獨孤氏赴天蓋山採葛飲泉見雙鯉戲水取之墮泉中獨孤氏救之亦墮經月餘乃於空中呼父母曰吾仙女也有過謫人間數滿當還象人因名其山曰獨傲山

武志士來賓人修煉於武神山每出赴齋供卽架